

Sali(n) Na! Luna 2016, tumatanggap na ng mga Lahok

Tumatanggap na ang Komisyon sa Wikang Filipino (KWF) ng mga salin ng *Impresiones* ni Heneral Antonio Luna para sa Sali(n) Na! 2016 sa pakikiisa sa pagdiriwang ng ika-150 anibersaryo ng bayani.

Ang Sali(n) Na! ay taunang programa ng KWF sa pagsasalin ng pinakamahahalagang tekstong pampanitikan, pangkultura, at/o pangkasaysayan ng bansa tungo sa layuning makalikha ng repositoryo at lawas ng mga opisyal at mapagtitiwalaang salin sa Filipino ng mga naturang akda.

Tanyag man si Luna bílang pinakamahusay ng heneral sa hukbong sandatahan sa digmaang Filipino-Americano, marami pa ring hindi maláy sa kaniyang ibang mga ambag. Ipinanganak noong 26 Oktubre 1866, kasapi siya ng mga Propagandista na naggugol ng panahon sa España upang makamit ang mga reporma para sa Filipinas. Nagsulat siya sa *La Solidaridad* sa sagisag-panulat na *Taga-Ilog*.

Natanggap ni Luna ang kaniyang digring Batsilyer ng Sining mulang Ateneo Municipal de Manila. Nagtungo siya sa España para sa karagdagang pag-aaral. Natanggap niya ang kaniyang Licenciatura sa Farmacia mula sa Universidad Central de Barcelona at nakuha ang Doctorado sa Farmacia mula sa Universidad Central de Madrid. Matapos ang doctorado, nagtungo si Luna sa Paris at Belgium upang mag-aral sa ilalim ng mga pinakamahusay na siyentista ng kaniyang panahon.

Dahil sa kaniyang mga ginawa bílang kasapi ng Kilusang Propaganda, pinaghinalaan siyang kasangkot sa rebolusyong sinimulan ni Bonifacio kayâ ipinakulong siya sa España. Nang mapalaya, nag-aral siya ng siyensiyang pangmilitar sa ilalim ni Heneral Gerard Mathieau Leman. Dito niya natutuhan ang mga

taktika at estratehiya na magpapatunay ng kaniyang galing bílang pinakamahusay na heneral sa Rebolusyonaryong Hukbo ng Filipinas.

Maaaring idownload ang tekstong isasalin sa kwf.gov.ph. Mula sa orihinal sa Español, isasalin ito sa Filipino. Tatanggapin ang mga lahoc hanggang 30 Hunyo 2016. Para sa mga tuntuning, i-klik...

Pomularyo sa Paglahok